



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726-410  
fax. +387 33 726-423  
e – mail: [info@voda.ba](mailto:info@voda.ba)

Broj: **UP-1/21-3-40-460-7/25**  
Datum: **05.05.2026. godina**

«Agencija za vodno područje rijeke Save» Sarajevo rješavajući po zahtjevu investitora „SYSTEMIC“ d.o.o. Srebrenik za donošenje rješenja o vodnoj dozvoli za ispuštanje tehnoloških otpadnih voda iz poslovnog objekta za proizvodnju hemijskih proizvoda i distribuciju istih u naselju Previle, općina Srebrenik, na osnovu člana 139. stav (1) tačka 3. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), **donosi:**

## RJEŠENJE

1. Odbija se zahtjev investitora „SYSTEMIC“ d.o.o. Srebrenik za izdavanje vodne dozvole za ispuštanje tehnoloških otpadnih voda iz poslovnog objekta za proizvodnju hemijskih proizvoda i distribuciju istih u naselju Previle, općina Srebrenik, na zemljištu označenom kao k.č. 838/2 K.O. Tinja, kao neosnovan.

## Obrazloženje

Investitor „SYSTEMIC“ d.o.o. Srebrenik, zahtjevom broj: 022-10/25 od 22.10.2025. godine zaprimljenim u ovoj Agenciji dana 27.10.2025. godine, zatražio je izdavanje vodne dozvole za ispuštanje otpadnih voda iz poslovnog objekta za proizvodnju hemijskih proizvoda i distribuciju istih u naselju Previle, općina Srebrenik, na zemljištu označenom kao k.č. 838/2 K.O. Tinja.

U provedenom postupku dostavljena je i pregledana sljedeća dokumentacija:

### A. Opšta dokumentacija

- Kopija uplatnice administrativne takse,
- Rješenje o izmjenama podataka u sudskom registru broj: 032-0-Reg-25-000053 od 11.02.2025. godine, izdato od strane Općinskog suda u Tuzli - ovjerena kopija,
- Ovjerena kopija Uvjerenja o poreskoj registraciji izdatoj od Porezne uprave Kantonalni ured Tuzla od 23.12.2010. godine,
- Rješenje o vodnoj saglasnosti broj: UP-I/25-1-40-128-2/20 od 09.04.2020. godine izdato od strane «Agencije za vodno područje rijeke Save» Sarajevo,
- Rješenje o urbanističkoj saglasnosti broj: 08-23-1-4962/2010 od 14.07.2010. godine izdatoj od strane Službe za prostorno uređenje, stambeno-komunalne poslove i obnovu, Općina Srebrenik,
- Rješenje o odobrenju za upotrebu broj: 08-23-3-9542/11 od 11.04.2012. godine izdato od strane Službe za prostorno uređenje, stambeno-komunalne poslove i obnovu, Općina Srebrenik- kopija,
- Rješenje o odobrenju za građenje broj: 08-23-2-1688/15 od 01.12.2015. godine izdato od strane Službe za prostorno uređenje i zaštitu okolice, Općina Srebrenik- kopija,
- Rješenje o odobrenju za upotrebu broj: 08-23-2-3153/16 od 15.09.2016. godine izdato od strane Službe za prostorno uređenje i zaštitu okolice, Općina Srebrenik- kopija,
- Tehnička dokumentacija i Račun/otpremnica za nabavljeni separator,
- Situacija iz glavnog projekta o položaju objekata na lokaciji.

### B. Tehnička dokumentacija

- Glavni projekat-vanjske hidroinstalacije sa dopunom za pogon za proizvodnju hemijskih proizvoda i distribuciju istih pravnog lica „SYSTEMIC“ d.o.o. Srebrenik, broj: 96-IB-G/25, decembar 2025. godine, urađen od strane „IBIS“ d.o.o. Zavidovići.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-460-3/25 od 26.01.2026. godine.

Na osnovu uvida u dostavljenu dokumentaciju i izvršenog uviđaja na terenu utvrđeno je sljedeće:  
Poslovni objekat namijenjen za proizvodnju hemijskih proizvoda i distribuciju istih nalazi se u naselju Previle, općina Srebrenik, na zemljištu označenom kao k.č. 838/2 K.O. Tinja.

„SYSTEMIC“ d.o.o. Srebrenik je privredno društvo koje se bavi proizvodnjom i distribucijom hemijskih proizvoda, kao i prodajom sredstava i opreme za održavanje higijene.

Na lokaciji se nalazi objekat u kojem se u prizemlju vrši navedena djelatnost. Proizvodnja sapuna, deterdženata i sredstava za pranje i poliranje vrši se na način da se pravilno doziraju sirovine a potom uz pomoć miksera izvrši njihovo homogeniziranje. Nakon laboratorijskih ispitivanja, proizvod se skladišti u spremnike, a potom na liniji za punjenje i etiketiranje proizvod pakuje u odgovarajuću ambalažu.

Podne površine u proizvodnoj hali su vodonepropusne.

Snabdijevanje vodom poslovnog objekta vrši se iz gradskog vodovodnog sistema kojim upravlja JP Vodovod i kanalizacija „Srebrenik“ d.d. Srebrenik.

Produkcija tehnoloških otpadnih voda svedena je na minimum.

Na predmetnoj lokaciji nema skladištenja nafte i naftnih derivata.

Skladištenje sirovina i gotovih proizvoda vrši se u spremnicima predviđenim za tu namjenu i na zakonski propisan način. Trenutno se ne vrši proizvodnja u znatnim količinama, a ista se planira u narednom periodu.

Fekalne otpadne vode iz predmetnog objekta odvođe se putem zasebnog kanalizacionog sistema do postojeće septičke jame zapremine  $V = 6,0 \text{ m}^3$ .

Prilikom uviđaja na terenu utvrđeno je da nisu izvedeni radovi u skladu sa Rješenjem o vodnoj saglasnosti. Došlo je do izmjena na terenu.

Izmjene se odnose na tehničko rješenje odvodnje otpadnih voda na lokaciji. Prilikom uviđaja utvrđeno je da će se tehnološke otpadne vode koje nastaju u toku procesa proizvodnje hemijskih proizvoda (doziranje, miješanje, pakiranje, skladištenje, utovar i dr.) i od pranja radnih površina zajedno sa oborinskim vodama sa manipulativnih površina odvoditi do separatora ulja i masti kapaciteta  $Q = 10 \text{ l/s}$ . Nakon tretmana u separatoru, pročišćene vode će se preko okna za monitoring kontrolisano ispuštati u krajnji recipijent – rijeku Tinju.

Podnosilac zahtjeva se izjasnio da će izvršiti ugradnju separatora i druge radove na terenu u skladu sa projektnom dokumentacijom te da mu je potrebno dodatno vrijeme za isto.

U proteklom periodu je obavljeno više telefonskih razgovora sa podnosiocem zahtjeva u cilju pribavljanja informacije o izvršenim radovima na terenu. Zbog razloga koji su navođeni da podnosilac zahtjeva nije završio radove na terenu produžen je rok, o čemu je sačinjena službena zabilješka. Obzirom da se u posljednjem telefonskom razgovoru investitor očitovao da nije u mogućnosti navesti precizan rok o okončanju radova a imajući u vidu da se postupak vodi već duže vremena odlučeno je da se postupak okonča.

Na osnovu dostavljene dokumentacije i utvrđenog činjeničnog stanja, u skladu sa članom 139. stav (1) tačka 3. Zakona o vodama («Službene novine Federacije BiH», broj 70/06) i člana 200. Zakona o upravnom postupku («Službene novine Federacije BiH», broj 2/98, 48/99 i 61/22), pa je sukladno navedenom riješeno kao u dispozitivu rješenja.

#### **Uputa o pravnom lijeku:**

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Ahmedić Behija dipl.inž.tehn.

Po ovlaštenju  
Ruководilac sektora za izdavanje vodnih akata  
  
Nihad Pezo, dipl.inž.građ.

Dostaviti:

- „SYSTEMIC“ d.o.o. Srebrenik, Previle bb, Srebrenik (Prilog Tehnička dokumentacija navedena pod tačkom B obrazloženja Rješenja)
- Ⓞ AVP Sava, ISV-vodna knjiga
- Sektor 40 – arhiva
- Oglasna ploča – AVP Sava